



Umngani ongathembekile

Mafisa Kwena Petrus

Rob Owen





Kwakukhona inyoka eyayiwumngani omkhulu wexoxo.

Babengabangani futhi bethandana kakhulu.



Ngelinye ilanga uXoxo wathi kuNyoka,
“Wemngani, kunganjani siyozingela izihlwabusi
ezikhuluphele?”

UNyoka wavuma ukuhamba noXoxo.



Abangane baqala baqoqa izihlwabusi bazifaka esakeni elikhulu.

UXoxo waqoqa zaba ningi futhi wayejabule kakhulu ngalokhu.



Endleleni sebephindela ekhaya, uXoxo noNyoka bahlangana nezinkwe ezazindawonye.

Izinkwe zaziyizitha zabo.



UNyoka wamemeza, “Mngani siyahlaselwa la!
Uma singaphunyukwa yilokhu esinakho
esikhwameni, ngeke sidle lutho kusihlwa!”



UXoxo wamemeza wathi kuzinkwe, “Sukani endleleni nina, ngale kwalokho omunye wenu uzolimala!”

Izinkwe zabona kungcono ukubaleka zathathela ngejubane.



UXoxo wamema uNyoka ukuthi azodla ukudla kwakusihlwa kwakhe.

“Umkami uzipheka kahle kabi izihlwabusi,” kusho uXoxo.

Abangani babeqhubeka nokuxoxa ngesikhathi uNkosikazi Xoxo elungisa ukudla kwakusihlwa.



Kwasheshe kwalunga ukudla.

Abangani bageza izandla base behlala etafuleni.



Kusenjalo, uXoxo wakhomba ipuleti likaNyoka wathi, "Ukudla kukaNyoka kuningi kunokwami!"



UNyoka waphendula, “Cha, empeleni ukudla kwakho kuningi kunokwami!”

UXoxo wadla ukudla kwakhe, kodwa uNyoka waphoxeka kakhulu wenqaba ukudla.



Kusenjalo, uXoxo wathi kuNyoka, “Uma uzobukela phansi ukudla okuphekwe ngumkami, kungcono uphume lapha emzini wami.”



Baphelela lapho ubungane obuhle.

Kusukela lapho izinyoka namaxoxo akubhekani.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Umngani ongathembekile

Author/s: Mafisa Kwena Petrus

Translator/s: Zanele Zuma

Illustrator/s: Rob Owen

Assurer/s: Zanele Ndlovu

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

